

UNIVERZITET U TUZLI
Broj: 01- 7773-1/15.
Tuzla, 29.12.2015. godine

Na osnovu člana 89. stav (1) tačka q) Statuta Univerziteta u Tuzli (Drugi prečišćeni tekst), a u vezi sa članovima 20. do 22. Pravilnika o plaćama, naknadama i drugim primanjima zaposlenika na Univerzitetu u Tuzli, člana 5. stav (2), člana 7. i člana 8. stav (1) Pravilnika o prihodima i rashodima trećeg ciklusa studija – doktorski studij na fakultetima/Akademiji Univerziteta u Tuzli, Rektor Univerziteta u Tuzli, uz prethodnu saglasnost Upravnog odbora Univerziteta u Tuzli, Br: 04-7598-2.1./15 od 28.12.2015. godine donio je

O D L U K U

o utvrđivanju elemenata za izradu ugovora o angažovanju spoljnjih saradnika u izvođenju nastave na trećem ciklusu studija na fakultetima/Akademiji Univerziteta u Tuzli koji se realizira od akademske 2015/16. godine

Opšte odredbe

I

Ovom Odlukom utvrđuju se elementi za izradu ugovora o angažovanju spoljnjih saradnika u izvođenju nastave na trećem ciklusu studija na fakultetima/Akademiji Univerziteta u Tuzli koji se realizira od akademske 2015/16. Godine i to:

- visina naknade putnih troškova (troškovi prijevoza i troškovi smještaja);
- način realizacije nastave;
- rokovi za podnošenje izvještaja o održanoj nastavi i obavljenim ispitima i
- uslovi i način isplate naknade za održanu nastavu i naknade za putne troškove.

Naknada troškova prijevoza

II

Angažovanim spoljnim saradnicima koji imaju prebivalište izvan teritorije Tuzlanskog kantona, pripada naknada troškova prijevoza za korištenje vlastitog putničkog vozila na relacijama u paušalnom iznosu, odnosno u maksimalnom iznosu koji se utvrđuje na osnovu relacije i važeće cijene goriva na dan angažovanja nastavnika, kako slijedi:

1. Naknada troškova prijevoza u zemlji

- | | |
|--|-----------|
| – Bihać-Tuzla-Bihać | 200,00 KM |
| – Mostar-Tuzla-Mostar | 150,00 KM |
| – Banjaluka-Tuzla-Banjaluka do | 140,00 KM |
| – Travnik-Tuzla-Travnik | 130,00 KM |
| – Sarajevo-Tuzla-Sarajevo do | 100,00 KM |
| – Zenica-Tuzla-Zenica do | 100,00 KM |
| – Brčko-Tuzla-Brčko | 50,00 KM |
| – Orašje-Tuzla-Orašje | 45,00 KM |
| – Ugljevik-Tuzla-Ugljevik | 30,00 KM |
| – Ostali gradovi u zemlji, do visine naknade utvrđene ovom podtačkom za mjesto sa približnom kilometražom. | |

2. Naknada troškova prijevoza iz inostranstva:

- | | |
|---------------------------------------|--------------|
| – Njemačka | do 350,00 KM |
| – R.Slovenija | do 300,00 KM |
| – Makedonija..... | 300,00 KM |
| – Zadar-Tuzla-Zadar | 250,00 KM |
| – Split-Tuzla-Split | do 250,00 KM |
| – Osijek-Tuzla-Osijek | do 150,00 KM |
| – Ostali gradovi u R. Hrvatskoj | do 200,00 KM |
| – R. Crna Gora | do 200,00 KM |
| – R. Srbija | do 170,00 KM |
| – Ostale države..... | do 300,00 KM |

Za relacije za koje naknada nije utvrđena u fiksnom iznosu, , visinu naknade utvrđuje Rektor na prijedlog Šefa Ekonomsko-finansijske službe Univerziteta, u zavisnosti od pređene kilometraže i cijene goriva, s tim da ne može preći maksimalan iznos utvrđen u prethodnom stavu.

Pod uslovima i visini utvrđenoj u prethodnom stavu ove tačke naknada troškova prijevoza pripada i predsjedniku i članovima komisije za odbranu doktorske disertacije.

Naknada troškova smještaja (noćenja)

III

Spoljnim saradnicima koji imaju prebivalište izvan teritorije Tuzlanskog kantona, priznaje se naknada troškova smještaja (noćenje) shodno visini prihoda ostvarenih od školarina na studijskom programu trećeg ciklusa studija, a u maksimalnom iznosu do 120,00 KM, uz obavezu prilaganja hotelskog računa.

Ako je cijena noćenja niža od iznosa utvrđenog u prethodnom stavu ove tačke, naknada troškova noćenja priznaje se u visini hotelskog računa.

Način realizacije nastave

IV

Spoljni saradnici koji imaju prebivalište izvan teritorije Tuzlanskog kantona, nastavu na trećem ciklusu studija izvode po sistemu blok nastave, tako da jednim dolaskom u toku semestra realiziraju ukupan fond sati predavanja u semestru, uz ograničenja broja noćenja kako slijedi:

- ako je ukupan fond sati predavanja u semestru manji od 5, broj noćenja ograničava se na maksimalno 2, uz uslov da nastavu izvedu u jednom danu, a
- ako je ukupan fond sati predavanja u semestru 5 i više, broj noćenja ograničava se na maksimalno 3, uz uslov da dnevno izvedu najmanje 5 sati predavanja.

Izuzetno od odredaba prethodnog stava ove tačke nastava se može realizirati i kroz veći broj dolazaka, pri čemu ukupni putni troškovi ne mogu biti veći od troškova koji se priznaju na način utvrđen u prethodnom stavu.

Za ispite koji se realizuju izvan termina nastave, spoljni saradnici iz stava 1. ove tačke, imaju pravo, po svakom ispitnom terminu, na maksimalno jedno noćenje, te naknadu troškova prijevoza u skladu sa tačkom II ove Odluke.

Uslovi i način isplate naknade za održanu nastavu i naknade za putne troškove

V

Ugovori o angažovanju u izvođenju nastave na trećem ciklusu studija zaključuju se za semestar.

Isplata naknade za održanu nastavu (predavanja/vježbe) i obavljenim ispitima spoljnjim saradnicima vrši se po završetku semestra, a na osnovu dostavljenog semestralnog izvještaja o održanoj nastavi, ovjerenog od strane dekana.

Izvještaj iz prethodnog stava ove tačke spoljni saradnik dužan je dostaviti dekanu u roku od 7 dana od dana završetka semestra.

Izvještaj o učinjenim putnim troškovima spoljni saradnik dužan je dostaviti dekanu u roku od 7 dana od dana održane nastave, odnosno održanih ispita.

Unos sredstava na ime naknade za održanu nastavu prema podnesenom i ovjerenom izvještaju, odnosno za učinjene putne troškove u trezorski sistem radi isplate izvršit će se u roku od 15 dana od dana dostavljanja Ekonomsko-finansijskoj službi semestralnog izvještaja o održanoj nastavi/ispitima, odnosno izvještaja o učinjenim putnim troškovima, ovjerenih od strane dekana.

Ovjereni izvještaj o održanoj nastavi, odnosno učinjenim putnim troškovima dekan je dužan dostaviti Ekonomsko-finansijskoj službi najkasnije u roku od 3 dana od dana njihovog podnošenja od strane spoljnog saradnika.

IV

Ova Odluka stupa na snagu danom pribavljanja saglasnosti Upravnog odbora Univerziteta, a primjenjuje se od akademske 2015/16. godine.

DOSTAVLJENO:

1xRektor
1x Fakulteti
1x Prorektori
1x Ekonomsko finansijska služba
1x Pravna služba

REKTOR

Dr.sc. Enver Halilović, red.prof.